

水經注疏要刪卷十七

宜都楊守敬撰

渭水

注渭水出首陽縣首陽山渭首亭南谷山在鳥鼠山西北

按經文作渭谷亭疑當從注作渭首南谷當斷句明統志及一統志並稱南谷山誤也

注則過水右注之

右二

熊會貞曰則上乃脫左字戴增次字非右字是全謂當作合非

注渭水又東與落門西山東流三府谷水注之

右三

要刪卷十七

渭水

熊會貞曰趙改輿作逕是戴改作有並刪府字非也一統志三都谷在伏羌縣西水經注渭水逕落門西山三府谷水注之宋史祥符九年知秦州曹暉敗西番宗哥族喚厮囉等於三都谷三都蓋卽三府音近致訛

注又東流而南屈入黃槐川

右四

熊會貞曰戴刪而字非也上文有渭水入武陽川之文則此入字亦不必改歷

注其水北逕冀縣城北

左四

趙於城上增故字是也按上文長塹谷水安蒲溪



水衣谷水不言所入則此句下當有入渭二字

注王莽更名鎮戎

左四

後漢書馬援傳作鎮戎與此同按謂鎮撫戎狄之義今本漢志作填戎誤趙乃據改戴不從之是也

注西南流逕清賓溪北

左五

熊會貞曰北字當是衍文注不言清賓溪所出入則知此清賓溪即指瓦亭川

注左會方城川

右六

熊會貞曰方城川下有脫文

注與受渠水相會

左六

要刪卷十七

二 渭水

注例當刪相字

注自石宕次得蝦蟆溪水

左八

按宕當從上文作巖此因省作宕遂訛為宕趙戴反據此改上文何也

注渭水東歷縣北封山流之陰逕固嶺北東

右九

按趙移流於陰下是也移北東作東北朱云一本無東字是 卷中邽字皆當作封道元遵當時之

制不容改為古字也

注東亭水又西右則嘆溝水

右十

熊會貞曰右當作左東亭水西流嘆溝水西北注



則在左可知矣

注又西莎谷水出南北莎溪西南注東亭川水

右二

熊會貞曰東亭川西流莎谷水西南流則出北山

無疑况上溫谷水在右此連合敘之則自亦在右

矣是南北乃北山之誤趙戴改南山非也

注逕南田縣南

左三

地志書南由南田錯出當仍舊

注楚水又南流注于渭闕駟以是水為汧水言渭水

又東汧汧二水入焉

右四

熊會貞曰言字不誤蓋渭水又東汧汧二水入焉

要刪卷十七

三 渭水

乃闕氏原文道元意以闕氏謂汧先入渭汧水後

入渭故不曰汧汧而曰汧汧而汧水之前出汧縣

者惟楚水故曰闕駟以為汧水而即引其先汧後

汧之說以證其以楚水為汧水隨自下已意謂闕

氏言汧水出汧縣西北與諸地志同而所指之水

則異也至下文乃實敘汧汧二水之次第以見闕

氏先汧後汧之非文意紆曲然細按之固自秩然

戴趙不得酈氏之旨改言作焉則文氣已斷是以

渭水又東汧汧二水入焉作道元語矣果爾則當

接敘汧汧二水而何以又言渭水入散關逕武功



後乃敘扞水又言渭水合陳倉水綏陽溪水逕郁夷城後乃敘汧水乎

注水東入散關

右十四

史記正義引枹朴子作散關趙景真書昔者李叟入秦及關而嘆似指函谷關按枹朴子言西出搜神記言西入言西出者散關也言西入者函谷關也酈氏蓋主西入故下文云然 熊會貞曰水乃又字之誤趙戴不悟故於水上增渭字

注渭水又東逕西武功北

左十四

按武功去此地甚遠西武功於古無徵趙氏因改

要刪卷十七

四渭水

為武功縣西北不知中間尚隔陳倉郁夷虢諸縣注無此敘例 熊會貞曰此蓋武功別城如小修武小槐里之類故褚先生以小邑稱之

注昔文公感伯陽之言

左十五

老子入關當秦獻公之世見封禪書及郊祀志所謂周太史儋也徐廣謂即老子然斷非秦文公時伯陽以清水注作陽伯為是按陽伯當是陳倉人之名此事封禪書郊祀志宋書符瑞志列異傳搜神記晉書地道記互有詳略當參觀之

注自東南輝煌聲若雷野鷄皆鳴

左十五



封禪書從東南來其聲殷云野鷄夜雊郊祀志作其聲殷殷云來時天爲之殷殷雷鳴文選西京賦注引直作其聲殷殷此輝煌宋本作暉暉自是殷殷之誤

注舜妻盲

左十五

竹書作后育似盲當爲育之誤又按御覽引尸子曰堯妻舜以娥皇媵之以女英路史注謂皇盲聲相近

注縣氏陳山

右十六

應氏此說不見地理志注蓋師古刪之疑當作縣

要刪卷十七

五

渭水

氏陳倉

注要道通人

左十七

戴改人作入按人自通

注因謂是水爲龍魚水自下亦通謂之龍魚川

右十七

御覽寰宇記引作魚龍水按注既云出五色魚俗以爲靈則作龍魚是也

注昔郭欽恥王莽之徵而遯跡于斯

右十八

鮑宣傳郭欽前後兩見不應並誤此當據漢書訂

注東南逕郁夷縣逕平陽故城南

右十八

趙謂郁夷縣下有脫文戴刪下句逕字熊會貞曰



下逕字乃北字之誤耳以上文渭水逕郁夷故城南考之此當是逕郁夷縣北蓋郁夷平陽二城南北相直故連言之

注城北有漢邠州刺史趙融碑

右十六

元和志周文帝大統元年置南幽州廢帝除南字開元十二年以幽字與幽字相涉詔改為邠字是幽州立於西魏邠州改於唐代至確疑此當作幽州幽訛為幽校者又改作邠耳

注是有磻溪之稱也

左十六

淇水注汲郡西北亦有磻溪按說苑遂出獵渭濱

要刪卷十七

六

渭水

至於磻溪則在此為是